

امور تحریر یہ ایچون فؤاد بکہ
وامور اداره ایچون آرتین افندیہ
مراجعت اولنور۔

— ❧ —

درج اولنمیان اوراق اعاده اولنماز.
مسلكمزه موافق آثار قبول اولنور.

مَعَالِيقُ

اداره خانه سی باب عالی جاده سنده
۵۲ نومرولی « شرکت ضربتیه »
مطبعه سیدر.

— 204 —

استانبول ایچون سنه لکی مطبعه دن
آلنق شرطیله ۴۰ طشره لره پوسته
اجرتیله برابر ۶۰ غروشدور.

نسخه سی ۱ فروش

پنجمینہ کونہری نشر اول نور ادبی، فنی و صناعی غزتہ در

نسخہ سی ۱ غروش

مطابقت غریبه موجود اولدیغنی بیان
ایتدیلسده بر قانون تاسیسنه موفق اولمه دیلر.
(سیسمو متره) و (سیسمو غراف) اسمنده
اولان آلتلر اینسه یالکیز استقامت تزلزلی
بیله یروب بشقه بر فائده لری یوقدر.

مهمر مسعود

انکلتره دارالفنونلری

(College) کله سنک انکلیزجده افاده
ایتدیکی منما فرانسیزجده افاده ایتدیکی
معنا کی دکلدر. بر انکلیز مکتبی طریق
تحصیله سالک، استکمال نفس وتهذیب اخلاقه
منهمک، فرانسه انجمن دانش اعضاسی کی
کندی یینلرنده اکثریت آرا ایله منتخب
و شرائط موضوعه تحتده سمت مأموریتلرینه
اصابت ایدن منافع و مزایادن منتفع بر جمعیت
بشریه صفتنده تلقی اولخالیدر. از جمله،
انکلتزه مؤسسات ادبییه سی میاننده اوتدنبری
احراز ایتش اولدیغنی موقع عالی و ممتاز ایله
نامدار و موفقیات عدیده و ثمرات مکتسبه سیله
اوروپا ارباب فنونجه شهرت شعار اولان (آتون)
و (هارو) مکتبلری حقنده بطریق المثال
بر قیاس سوز سویله نله سی مناسب عدا یدلشدیر:
(هارو) مکتبی قیود رسمیتدن آزاده
و هرگونه حمایت دولندن محروم اوله رق مقدا
اصحاب جیتدن بر ذاتک بطریق الارث،
توسیع انوار مدنیت اوغورنده وقف
و تبرع ایتش اولدیغنی نقود موفوره وهم
مبرورده سی سایه سنده حیز آرای تأسس اولان
واملاک و عقار کثیره و اراضی موقوفه
و غیره می مشتمل بولنان مؤسسات عالیهدندر.
مکتب مذکورک واردات سنوییه سی
۱۱۰۰ استرلینه معادلدر. (هارو) مکتبی

انتخاب صورتیله تعیین اولنان بر محاس
معارفندان واسطه سیله اداره اولنقددر.
فقط، مکتبک محروک اصلیه هیئت تدریسیه
تشکیل ایدن معلملر جمعیتدیر که بونلردن
هریری یونانجه، لاتینجه، فرانسیزجه، ریاضی
وسائر کبی علومدن یالکیز بر شعبه سنک
تدریسنه مأمور اولوب، فضله اوله رق
یکرمی، اوتوز شاگردک اعاشه واقامتیه ده
مکلفدر.

طایفه نک عددی اونی متجاوز اولمادیغنی
حاله معلم آنلره کندی سفره سنده فاملیاسیله
برلکده طعام ایتدیرر. متعدد اولدقلری
حاله انلری او قادیلرینک نظارتی تحتده
ترتیب ایتدیرمش اولدیغنی ایکی سفره یه تقسیم
ایدر. عموماً، براوطه ایکی کشتی به تخصیص
اولنور. مکتبه نقل مکان ایدن بر چوچق،
بووجهله هملک کاشانه تربیه سنده پرورشیا
کمال اولور و نزد معلمه خانه ابویسنک برتمثال
مجتمعی بولور.

بو کبی مکتبلر، انکلتزه ده شهرلر
داخلنده واقع ایسه لرده متعدد طریقلر
واسطه سیله همجوار کویلر ایله کسب ارتباط
ایدلر.

(آتون) دارالفنونک محتوی بولندیغنی
وسطی میدانک اطرافنده توفیقاً غرس اولنان
کل، صارماشیق، خانم الی کبی ممتاز چیچکلرک
دال و بوداق صاله رق بر منظره رعنا ی
زمردین تشکیل ایتدیکی، دیگر طرفدن
بر چوق عصرلردن بری طراوت طبیعیه
و نضارت دانلرینی هنوز ضایع ایتدهش
اولان جسم قره آغا جلرک، لطیف چمنزار
لرک سطح دلشیننه سایه انداز اولدقلرینی
و اکا قریب بر محله برنهر سبز فام و درخشانک
شکل درختانی صفحه آب صافده تصویر
ایتمه سی، دیگر برجهتدن ایرماغک کنارینه
بریکن قوغو قوشلرینک بر سرعت خارق
العاده ایله طیراتی، صویک احداث ایتدیکی

جزیره لرده اینکلرک بر صدای دهشتنا ایله
آفاقه ولوله انداز اوله سنی والحاصل، مجرای
نهرک دونوب دولاشد رق الک صوکره سمت افقده
یشیللرک آراسنده تدریجاً محو و نابدید
اولدیغنی کوروبده نقاش چیره دست طبیعتک
قدرت و عظمتیه حیران اولماق قابل دکلدر!
(هارو) مکتبک واقع اولدیغنی ستمده فضای
سماوی هر نه قدر دها از بر لطافت ابراز
ایدرسده، اوراده ییشیلک و هوای صاف
نادر دکلدر.

بش، آلتی هکتارلق بر چمن مکتب
دائرة سنه مربوط بولنقددر و طایفه طرفندن
اجرا اولنان (فریکه) اویونلرینه صحت خدمتی
ایفا ایتکده در. اوتدده بروده، سیاه چاکتیلر یله
ملبس بر طاقم کوچوک چوچوقلره، سیاه
السه لر یله ترین اندام ایدن و کوچوک حصیر
شاقه لر یله عوارض هوا سیه دن باشلرینی مستور
طوتان دیگر بیوک طبله لر یالکیز شهرده
دکل، حتی شهر خارچنده، ترالرا طرفنده،
کوللر ساحلنده اکثریا تصادف اولنور.
بونلرک، چامورلی قوندورلردن دایماً یولرده
و نمناک چمنزارلرده کز مکده اولدقلری یک
نظرده آکلاشیله بیلور.

بو مکتبلرده، چوچوقلرده سائر بیوک
طایفه لر قدر سربستی حرکتیه مالکدرلر.
یالکیز صنفلرده اثبات وجود ایتک، مذاکره
و طعام و قتلرنده حاضر بولنق و آقشاملری
وقت معینده مکتبه عودت ایتک مجبوریتنده
درلر. بوندن باشقه، اهمیتلی دینه حک قدر
بروظیفه ایله مکلف دکلدرلر. کونک باقیسی
آنلرکدر. ایسته دکاری و وجهله استیمل
ایده بیلورلر. مأذون بولندقلری زمانه تصادف
ایدن ساعتلرده ایفاسنه مجبور اولدقلری بر
شی وار ایسه اوده، وظائف یومیه لرینک
حسن اداسیدر. اونی ده، ایسته دکاری
یرده و ایسته دکاری زمانه بایه بیلورلر. کرک
اولرنده، کرک باشقه یرلرده چالیشه بیلورلر.

بعضی لری کتابچی دکانلرنده، دیگر لری سوقاق اورته سنده اوقویه رق کر لر . دایماً اختیارلرینه تابع بولندقلرندن دیده رغبتلرینی جلب ایدن هر یرده طولاشه . بیلور لر . بولردن سوقاقلرده، بورجکی، پاصدیرمه چی دکانلرنده مأذونیت زمانلرینی اصرار ایدنلر بولندینی کی قیرلده صید وشکاره چیقمق، بالی آلامق، قیزاق قایق، صوده ییقاتق کی شیرله اشتغال ایدنلرده بولور .

زمانلرینه صاحب اولدقلری کی پاره . لری ده کندی ید اداره لرنده اولدیغندن بربرلرینه ضیافت ویرر لر و اوطلرینی تزین ایچون مفروشات و سائره آلور لر . مع مافیه، خدمشروعندن زیاده اسراف وتبذیر نقوده جرنئیاب اولدقلری صورتده محصول مساعی یومیملری اولان اشیاء نفیسه و اوطلرینی تزین ایدن سائر ائات بیتیه موقع مزایدهیه قونیلور و بونجه مبلغ صرف ایده رک تدارک ایده تیش اولدقلری امتعه وتزیناتک جهله سی ظهور ایدن طالبلره فروخت اولنهرق قیمت معادله سی داینلرینه توزیع اولور .

ایشته، بوجهلله هنوز اون، اون ایکی یاشنده کی چوجوقلری، بوکی معامله لر اجراسیله، بیوکلر مرتبه سنه ترفیع ایدر لر و عتلاً مجاز اولان هر بر حرکتلرینه میدان ویرمکله برابر ادباً مخالف اطوار انسانیه کوریلان بر معامله یی مرتکب اولدقلری صورتده شدیداً مسؤل طوتیلور لر .

چوجوقلری زمان صباوتلرندن اعتباراً عادات ونظامات موضوعیه کاملاً تابع بولنمه مجبور طوته رق هنوز اوفاقلقده مزرعه فکریلرینه انقیاد واطاعت تحمیلی صاچار لر .

اشتغالات یومیملک حد اعظمیدی سکر ساعته بالغ اولور، فقط اکثریا آلتی، یدی ساعته ده اکتفا ایدیلور ،

تحصیلک جهات ماده سی بونجه فوایدی جامع اولدینی کی جهات معنویه سی ده بالنسبه منتظمدر . مسائل علمی حیاتیه مستثناطوتلدینی حالده زمانزه کانجیه قدر بوکی مکتبلرده تحصیل کورن شاگردانک مکتسبات فکریه لری پک محدود درجده قالور ایدی .

قلاسیق کتابلردن بفصل بابلر، مطارل فصللر اوقور لر ایدیسده مندرجاتک دقایق معنویه ونکات لطیفه سی ادراکه مقتدر اولانلر نادر بولور ایدی . بونقیصنک معلملرک تعقیب ایتدکاری اصولک اطراد . سزلفنندن تحدث ایتدکه اولدیغنه اخیراً انکلتزه معارف نظارتی بحق ذاهب اوله رق محاذیر مذکورده نک رفعی خصوصنه صرف غیرت وحصر همت ایتش و اوتار یخلردن بری انکلتزه ده مکتبلرک اهور تدریسیه سی شیرازه انتظامه کیرمشدر .

— — — — —

تاریخ

«یهودیایر»

(مابعد)

آثوریه حکومتک اضمحلالی ویهودیایرک انلرک تغلبندن خلاصلری ایچون انبیاء سالفه طرفلرندن اخبار وتعیین بیورلش اولان زمان حلول ایتشیدی .

ایران حکمداری «سیروس» فرات نهرینی کچرک بابل شهرینی ضبط ، بالتازاری قتل ایلدی [۵۳۸ قبل المیلاد] .

بابل، بوندن صوکره مدیا حکوه تی اقسامندن معدود اولدینی کی مدیا حکمداری مشهور دارانک وفاتی متعاقبده «سیروس» طرفندن تحریب ایلدی [۵۳۶ قبل المیلاد] . ایشته بو تاریخده (یعنی ابتدای اسـاـ رتلرندن تام یتش سنه صوکره) «سیروس»

قدس شریف ایله بیت مقدسی یکیدن بنا واحیا ایتک اوزره یهودیلرک مملکتلرینه عودتنه مساعده کوستردی . یهودیلرکندی راهبیلرینک زیر اداره سنده بولنقله برابر ایرانه اولان رابطه لری باقی قالمش ایدی . فقط بر زمان صوکره بعض وقایع سببیه بورابطه ده منقطع اولدی : اسکندر «صیدا» شهرینی ضبط ایتدکدن صوکره [۳۳۲ قبل المیلاد] یهودیلرک ایرانه اولان رابطه صمیمیه سی خوش کوره . مدیکنندن قدس شریفی تحریب ایتک املنده بولنمش ایسه ده کبرای یهوددن «ژادوس»، اسکندرک حضورینه کیدوب حضرت نبی (عم) کتابنده «یونانستاندن بر حکمدار توره یوب ایرانی ضبط واستیلا ایده چکنه» دائر اولان فقراتی عرض وافهام ایلدرک بوشهر مقدسی ترأضندن صیانته موفق اولدی .

میلاددن ۳۲۰ سنه اول، مصر حکمداری

«پتوله مه» قدس شریفی محاصره ایتدی . یهودیلرک دیناً «جغه ایرتسی» کونلرینه رعایتیه مجبور اولدقلرینی و بناء علیه حرب ووغادن محتجب بولنه جقلرینی بیلدیکی جهتله بوندن بالاستفاده برجمه ایرتسی کونی شهر مقدس اوزرینه بر هجوم ترتیب ایده رک بلا مدافعه تسخیر، یوز بیگ نفوسدن زیاده بولنان سکنه سی اسیر ایتدکدن صوکره اسیرایده کاملاً مصره کوندردی .

بوندن صوکره ارض فلسطین، سوریه حکمداری «آنتیوکوس» طرفندن ضبط ایدیلوب برسنه صوکره «پتوله مه» طرفندن استرداد ایلدیکی حالده ایرتسی سنه تکرار «آنتیوکوس» ک ید اداره سنه کچمش ونهایت سوریه حکمدارینک قزی «قله اوپاتر» ک «پتوله مه» ایله ازدواجی اوزرینه التی سنه صوکره مصره ترک اولنمشدر [۱۹۸ قبل المیلاد] . فقط اخیراً «آنتیوکوس» بی قان» قدس شریفی ضبط ایدوب یهودیلره تحمیلاری